

Силос дарлгъна кӧдлмшиг чанъгъахми

Мана республикин кесг колхозмуд болн совхозмуд эн джил ӧвснӧ элвг ургъц олзлдж, олна малд хойр джилдӧн кӱрх шимтӧ сӧн хот белдлгънӧ ик кӧдлмш кедж, бӧӧсн техникӧн бӱклднӧ эдлдж, ӧвс хаддж хурадж йовх механизатормуд дунд социалистическ дӧрлдӧ делгрӱлдж шундж йовцхана.

Тер белдгдджӧх малин хотас нег ик чинртӧ, малин шим шӱӱс икдӱлдг, чинӧ-чимгинь ясдг, малас гардг эдл-уушиг элвджӱлдг сӧн джӧблн хот-силос.

Эн малин шимтӧ джӧблн хот нургълдж эрдни-шишӧгъӧр кӱцӧгдджӧнӧ. 1958 джилӧ сентябрь сарин нег шинд мана республикӧр даргдсн 243 минъгън 48 тонн силосас 219 минъгън 645 тоннӧ эрдни-шишӧн силос.

Черноземельск района, „Черноземельский“ совхоз (директорнӧ ӱр Огрызкин, ах агрономнӧ ӱр Лозык) силос дарлгъна зурагъан 186 процент кӱргдж кӱцӧдж, республикдӧн тӱрӱн нӱр элдж, совхозиннӧ малан бӱклднӧ шимтӧ сӧн джӧблн хотар теткджӧнӧ.

Приютненск района 107-ч номертӧ совхозин негдгч ферм чигн силос дарлгъар сӧн ӱз-

мджтӧ кӧдлмш кеджӧнӧ. Эдн даргдх силосиннӧ зурагъан 114 процент кӱцӧв. Эн совхозин зургъадгч ферм эрдни-шишӧгъӧр даргдх силосиннӧ зурагъан бӱклднӧ кӱцӧдж, малан хойр джилӧ хотар теткчкв.

Целинн района „Родина“ колхоз (колхозин ахлачнӧ ӱр Лопатин С. М., агрономнӧ ӱр Фисенко И. Д.) 6400 тонн силос дарх зурагъан 71 процент кӱцӧдж, 4559 тонн силос эрдни-шишӧгъӧр дарв.

Болв, Яшкульск, Юстинск, Сарпинск болн Элст балгъсна колхозмудар силос дарлгъна кӧдлмш ик гидгӧр ӱлддж йовна. Каспийск района „Оленичевский“ совхоз болхла 4500 тонн силос дарх зурагъасч кӱцӧснӧ зуг 259 тонн. Иим ик му кӧдлмшт КПСС-н райкомин сеглӧтрмуд болн районн кӱцӧгч комитетин ахлачнр оньган ӧгч чанъгъах зӧвтӧ.

Ӱкр болгънд багъ гихдӧн 15 тонн, хӧн болгънд 2,5 центнер, кичклх гаха болгънд 4 тонн шимтӧ сӧн силос дархин тӧлӧ ноолда кедж, цуг колхозмудин болн совхозмудин кӱч-кӧлсчнр дунд дӧрлдӧ улм икӧр делгрӱлхмн.

К. САНДЖИЕВ.